



*Materijal za 24 redovnu sjednicu EV  
Butmir*

# IZVJEŠTAJ O RADU KOMISIJE ZA SIGURNOST OPĆINSKOG VIJEĆA ILIDŽA

Period decembar 2017.- decembar 2018.godine

Nosilac izrade materijala:  
Stručna služba za poslove  
Općinskog vijeća  
Predlagač: Komisija za sigurnost

Ilidža, februar 2019. godine





## **Komisija za sigurnost**

Na osnovu tačke IV alineja šest Odluke o obrazovanju Komisije za sigurnost kao privremenog radnog tijela („Sl. novine Kantona Sarajevo“, br.44/17) Komisija za sigurnost Općinskog vijeća Ilidža na 7. sjednici održanoj dana 18.02.2019.godine usvojila je

# **IZVJEŠTAJ O RADU KOMISIJE ZA SIGURNOST OPĆINSKOG VIJEĆA ILIDŽA za decembar 2017. – decembar 2018.godine**

## **I/ UVOD**

Na 9. Redovnoj sjednici Općinskog vijeća Ilidža održanoj dana 26.10.2017.godine donesena je Odluka o obrazovanju Komisije za sigurnost kao privremenog radnog tijela („Sl. novine Kantona Sarajevo“, br.44/17).

Komisija za sigurnost ima sljedeće nadležnosti:

- jednom mjesečno razmatra stanje kriminaliteta, javnog reda i mira i saobraćaja na području općine Ilidža a na osnovu dostavljene Informacije Policijske uprave Ilidža ovoj Komisiji;
- razmatra vijećničke inicijative i pitanja postavljene na sjednici Općinskog vijeća iz oblasti kriminaliteta, javnog reda i mira i saobraćaja na području općine Ilidža kao i Zaključke Savjeta mjesnih zajednica za navedenu oblast;
- prati primjenu Odluke Općinskog vijeća o prekršajima protiv javnog reda i mira i na osnovu informacije Policijske uprave o praktičnoj primjeni ove Odluke daje inicijativu za izmjene i dopune iste;
- analizira stanje u ovoj oblasti i podnosi Vijeću prijedloge za rješavanje problema;
- razmatra Informaciju Službe za finansije o budžetskim sredstvima koje općina Ilidža dodjeli Policijskoj upravi odnosno Ministarstvu unutrašnjih poslova KS, kako bi se poboljšala sigurnost građana općine Ilidža (npr. dodjela opremljenih kancelarija u objektima mjesnih zajednica za komandire sektora, nabavka materijalno-tehničkih sredstava i opreme, instaliranje kamera za video-nadzor na objektima mjesnih zajednica i frekventnim saobraćajnicama na području općine Ilidža i drugo);
- dostavlja Općinskom vijeću najmanje jednom godišnje Izvještaj o svom radu sa prijedlogom mjera;
- osvaruje saradnju sa nadležnim policijskim organima u skladu sa Zakonom;
- razmatra i daje primjedbe i sugestije o nacrtima zakona kojima se reguliše oblast koja obuhvata djelokrug rada ove Komisije i pokreće inicijative za izmjenom i dopunom propisa iz ove oblasti;
- razmatra prijedloge odluka, akata, informacija iz oblasti sigurnost, koje su u nadležnosti Vijeća;
- obavlja i druge poslove iz djelokruga svog rada.

## II/ SASTAV KOMISIJE ZA SIGURNOST

Općinski načelnik, predsjedavajući Vijeća, šef Stručne službe za koordinaciju rada mjesnih zajednica i načelnik Policijske uprave Ilidža su članovi Komisije po položaju.

Tri člana Komisije su iz reda općinskih vijećnika, koji ne mogu biti iz iste političke partije i potrebno je da posjeduju stručnost za poslove iz djelokruga rada ove Komisije.

U sastav Komisije imenovani su:

1. Amel Pintol (vijećnik SDA) - predsjednik
2. Redžo Lemezani (vijećnik NS) - član
3. Miro Grbavac (vijećnik BPS) - član
4. prof.dr. Senaid Memić (općinski načelnik) - član
5. Muhamed Omerović (predsjedavajući Vijeća) - član
6. Enes Čorbo (šef Stručne službe za koordinaciju rada mjesnih zajednica) - član
7. Idriz Efendić (načelnik Policijske uprave Ilidža) – član

## III/ RAD KOMISIJE ZA SIGURNOST U IZVJEŠTAJNOM PERIODU

Komisija radi na način i po postupcima propisanim članom 7. Odluke o obrazovanju stalnih radnih tijela Općinskog vijeća Ilidža ("Službene novine Kantona Sarajevo", broj: 25/08). Komisija u mandatnom periodu 2016-2020. godina radi bez novčane naknade a stručne i administrativno – tehničke poslove za potrebe Komisije obavlja Stručna služba za poslove Općinskog vijeća.

Odredbama Odluke o obrazlovanju Komisije za sigurnost kao privremenog radnog tijela Općinskog vijeća utvrđena je obaveza Komisije da dostavlja Općinskom vijeću najmanje jednom godišnje Izvještaj o svom radu sa prijedlogom mjera.

Izvještaj o radu Komisije predstavlja retrospektivu aktivnosti u protekloj godini i obuhvata sve aktivnosti koje je Komisija imala zajedno sa tabelarnim prikazom donesenih zaključaka.

**U izvještajnom periodu Komisija za sigurnost održala je četiri (4) sjednice i jedan (1) zajednički sastanak u proširenom sazivu.**

## IV/ TABELARNI PRIKAZ

Datum održavanja sjednice	Razmatrano	Zaključci
26.12.2017. I sjednica	<ol style="list-style-type: none"><li>1. Informacija Pete policijske uprave – Odjeljenje kriminalističke policije Ilidža o stanju sigurnosti iz oblasti kriminaliteta, javnog reda i mira, saobraćaja i drugo na području ove PU, za mjesec oktobar i novembar 2017.godine, sa uporednim pokazateljima iz oktobra 2016.godine</li><li>2. Zauzimanje stava po zahtjevu JU „Šesta osnovna škola“ Ilidža br.11-23-1043/17 od 05.12.2017.godine</li><li>3. Tekuća pitanja</li></ol>	<p>1.Komisija je nakon provedene diskusije donijela:</p> <p style="text-align: center;"><b>Z A K L J U Č A K</b></p> <p>Komisija za sigurnost predlaže da se sačini novi Sporazum o saradnji Općine Ilidža i V PU Ilidža sa prijedlogom mjera i obaveza iz razloga što su nastupile promjene u unutrašnjoj organizaciji MUP Kantona Sarajevo i same V PU.</p> <p>2.</p> <p>Nakon diskusije Komisija je</p>



		<p>donijela sljedeći:</p> <p style="text-align: center;"><b>ZAKLJUČAK</b></p> <p>Muhamed Omerović, kao predsjedavajući Općinskog vijeća, u saradnji sa Amelom Pintol kao predsjednikom Komisije i načelnikom V PU Ilidža će organizovati zajednički sastanak sa sekretarom MZ Stup, direktorom Šeste osnovne škole i građanima koji su se obraćali ovim povodom.</p> <p>3.</p> <p>U okviru ove tačke dnevnog reda nije vođena posebna diskusija.</p>
<p>31.01.2018. II sjednica</p>	<p>1. Informacija Pete policijske uprave – Odjeljenje kriminalističke policije Ilidža o stanju sigurnosti iz oblasti kriminaliteta, javnog reda i mira, saobraćaja i drugo na području ove PU, za mjesec decembar 2017. godine</p> <p>2. Tekuća pitanja</p>	<p>1.</p> <p>Nakon provedene diskusije u kojoj su svi prisutni uzeli aktivno učešće, donesen je sljedeći:</p> <p style="text-align: center;"><b>ZAKLJUČAK I</b></p> <p>Komisija za sigurnost u cilju rješavanja problema nepropisnog parkiranja u centralnom dijelu općine Ilidža (prostor oko Općine, Doma zdravlja Ilidža, ulica Mustafe Pintola, Rustempašina i Ibrahima Ljubovića i drugih zahtjeva da V Policijska uprava, Policijska stanica Ilidža dostavi ovoj komisiji prijedlog lociranih mjesta sa najvećim brojem remećenja saobraćaja u mirovanju kako bi se na istim izvršilo postavljanje potapajućih stubića, odnosno elektro – pneumatskih stubova za ograničavanje saobraćaja sa spuštanjem u zemlju za propuštanje ili zaustavljanje vozila na određenom prostoru.</p> <p style="text-align: center;"><b>ZAKLJUČAK II</b></p> <p>Komisija za sigurnost upućuje Urgenciju ministru Ministarstva unutrašnjih poslova kantona Sarajevo da</p>



		<p>potpiše dostavljeni Sporazum o nabavci i prenosu u vlasništvo video kamera i opreme sistema videonadzora na teritoriji općine Ilidža ( potpisan od strane Općine Ilidža i dostavljen ministru početkom decembra 2017.godine) kako bi se omogućilo da oprema koju je Općina Ilidža nabavila bude u potpunosti iskorištena za pružanje kvalitetnijeg stepena zaštite građana Ilidže i Kantona Sarajevo.</p> <p style="text-align: center;"><b>ZAKLJUČAK III</b></p> <p>Komisija se upoznala sa Spiskom sektora na području Policijske stanice Ilidža (br.02/12-1-49-330/18 od 26.01.2018.godine) i zadužuje Stručnu službu za koordinaciju rada mjesnih zajednica da u saradnji sa Policijskom stanicom Ilidža učestvuje u revidiranju navedenog spiska kako bi isti bio prilagođen potrebama stanovnika općine Ilidža.</p> <p>2.</p> <p>U okviru ove tačke dnevnog reda nije vođena posebna diskusija.</p>
<p>05.04.2018. III sjednica</p>	<p>1.Informacija Pete policijske uprave – Odjeljenje kriminalističke policije Ilidža o stanju sigurnosti iz oblasti kriminaliteta, javnog reda i mira, saobraćaja i drugih poslova i zadataka na području ove PU, za mjesec januar i februar 2018. godine</p> <p>2.Informacija Pete policijske uprave - Odjeljenje kriminalističke policije Ilidža o saobraćaju u mirovanju sa</p>	<p>1.</p> <p>Komisija je nakon diskusije donijela sljedeći</p> <p style="text-align: center;"><b>ZAKLJUČAK</b></p> <p>1.Komisija za sigurnost predlaže Općinskom načelniku da se prilikom donošenja rebalansa Budžeta Općine Ilidža za 2018.godinu predvide i finansijska sredstva za nabavku dva komplet računara sa printerima i uniforme i opreme za Petu policijsku upravu – Policijska stanica Ilidža.</p>



	<p>prijedlogom mjera</p> <p>3. Tekuća pitanja</p>	<p>2. Sastavni dio ovog zaključka je molba Pete policijske uprave – Policijska stanica Iliđa broj: 02/12-14-4-841/18 od 07.03.2018. godine i zahtjev za nabavku uniformi i opreme broj: 02/12-1-14-4-796/18 od 09.03.2018. godine.</p> <p>3.</p> <p>Komisija je analizirajući prethodno navedene tačke dnevnog reda donijela sljedeće:</p> <p style="text-align: center;"><b>ZAKLJUČAK I</b></p> <p>Komisija za sigurnost u cilju rješavanja problema nepropisnog parkiranja u centralnom dijelu općine Iliđa predlaže da nadležna služba izradi projektnu dokumentaciju i Plan saobraćaja u mirovanju i kretanju u užem centru Iliđe a na prijedlog Pete policijske uprave – Policijska stanica Iliđa u skladu sa Prijedlogom mjera saobraćaja u mirovanju Policijske stanice Iliđa br. 02/12-1-04-3-568/18 od 14.02.2018. godine, a koji je sastavni dio ovog zaključka.</p> <p style="text-align: center;"><b>ZAKLJUČAK II</b></p> <p>1. Radi povećanja bezbjednosti učesnika u saobraćaju i sprečavanju nepropisnog parkiranja na području općine Iliđa Komisija za sigurnost u saradnji sa Petom policijskom upravom – Policijska stanica Iliđa će u periodu od 01.05. do 30.06.2018. godine provesti kampanju "Budimo i savjesni građani općine Iliđa".</p> <p>2. Zadužuje se Stručna služba za koordinaciju rada Mz-a da u saradnji sa Komisijom za sigurnost i Policijskom stanicom Iliđa izradi prigodne letke koje će pripadnici Policijske stanice dijeliti</p>
--	---	--



vozačima sa ciljem preventivnog djelovanja na sprječavanju nepropisnog parkiranja na području općine Ilidža.

### **ZAKLJUČAK III**

U cilju obezbjeđenja većeg stepena bezbjednosti posjetilaca lokaliteta Vrelo Bosne i Velika aleja, a imajući u vidu predstojeću turističku sezonu, Komisija za sigurnost sugeriše Kantonalnoj javnoj ustanovi za zaštićena prirodna područja da angažuje zaštitarsku agenciju koja bi u koordinaciji sa Petom policijskom upravom – Policijska stanica Ilidža poduzimala potrebne mjere u okviru svojih nadležnosti.

### **ZAKLJUČAK IV**

Komisija za sigurnost sugeriše KJKP GRAS d.o.o. da se izvrši unutrašnja preraspodjela termina polaska tramvaja sa terminala Ilidža na kraći vremenski period od dosadašnjeg kako bi se onemogućilo zaustavljanje tramvaja u kružnom toku i otvaranje vrata putnicima koji prilikom napuštanja prevoznog sredstva krše više zakonskih propisa, a prvenstveno ugrozavaju svoju bezbjednost.

2. Komisija, također sugeriše Policijskoj stanici Ilidža da u okviru svoje nadležnosti preduzme potrebne mjere kako bi se onemogućilo zaustavljanje tramvaja u kružnom toku i kršenje zakonskih propisa.

### **ZAKLJUČAK V**

U cilju obezbjeđenja većeg stepena bezbjednosti posjetilaca lokaliteta Vrelo Bosne i Velika aleja, a imajući u vidu predstojeću turističku sezonu, Komisija za sigurnost



		<p>sugeriše Kantonalnoj javnoj ustanovi za zaštićena prirodna područja da angažuje zaštitarsku agenciju koja bi u koordinaciji sa Petom policijskom upravom – Policijska stanica Ilidža poduzimala potrebne mjere u okviru svojih nadležnosti.</p>
<p>22.10.2018. IV sjednica</p>	<p>1. Informacija Pete policijske uprave - Odjeljenje kriminalističke policije Ilidža o stanju sigurnosti iz oblasti kriminaliteta, javnog reda i mira, saobraćaja i drugih poslova i zadataka na području ove PU za mjesec mart, april, maj i juni</p> <p>2. Informacija Pete policijske uprave – Odjeljenje kriminalističke policije Ilidža o poduzetim mjerama i radnjama povodom prijavljenog krivičnog djela ugrožavanje sigurnosti, izvršenog pretresa ugostiteljskog objekta, o prisustvu migranata na području općine Ilidža i oštećenja zida stambene zgrade</p> <p>3. Inicijative vijećnika (broj 01-02-sl/18-77, 01-02-2143/18-1.7, 01-02-2143/18-1.11 i 01-02-2143/18-1-3) i odgovori po zaključcima Komisije za sigurnost</p> <p>4. Tekuća pitanja</p>	<p>1.</p> <p>Komisija je konstatovala da je navedenu Informaciju primila k znanju i donijela sljedeći:</p> <p style="text-align: center;"><b>ZAKLJUČAK</b></p> <p>Komisija Općinskog vijeća za sigurnost podržava rad Pete policijske uprave – Policijske stanice Ilidža i aktivnosti koje provodi u cilju bezbjednosti svih građana općine Ilidža i navedeni Zaključak potrebno je objaviti na WEB stranici Općine Ilidža.</p> <p>2.</p> <p>Prisutni su u okviru ove tačke dnevnog reda vodili diskusiju o radnom vremenu ugostiteljskih objekata na području Općine Ilidža, te je sekretar Vijeća naknadno analizirala Odluku o minimalnom radnom vremenu u prodajnim objektima i objektima u kojima se obavlja ugostiteljska, obrtnička i obrtničkoj srodne djelatnosti na području općine Ilidža te konstatovala da se u članu 13. Navedene odluke reguliše samo radno vrijeme ugostiteljskih objekata, a u članu 14. Produženo radno vrijeme ugostiteljskih objekata.</p> <p>3.</p> <p>Navedene materijale Komisija je primila k znanju.</p> <p>4.</p>





Članovi Komisije su još jednom ukazali na problematiku bezbjednosti putnika na kružnom toku na terminalu Ilidža, a koji se dešava usljed zaustavljanja tramvaja i otvaranja vrata putnicima čime je prije svega ugrožena bezbjednost građana na ovom lokalitetu. O ovoj problematici vijećnici su kroz vijećnička pitanja i inicijative u više navrata na sjednicama Općinskog vijeća pominjali ovaj problem, a o istom je i Komisija za sigurnost svojim Zaključkom (broj 01-04-613/18-10 od 10.04.2018.godine) donijela Zaključak i isti dostavila nadležnim organima i institucijama.

Vezano za oba problematiku Komisija za sigurnost je donijela slijedeći

### **ZAKLJUČAKI**

U cilju rješavanja bezbjednosti putnika na kružnom toku usljed zaustavljanja tramvaja, Komisija za sigurnost organizuje zajednički sastanak dana 24.10. (srijeda) 2018.godine u 10 sati u Općini Ilidža (kancelarija 307, III sprat) kojem je potrebno da prisustvuje predsjedavajući Općinskog vijeća Ilidža, predsjednik Komisije za sigurnost, načelnik Pete policijske uprave Ilidža, komandir Pete Policijske uprave Ilidža, predstavnik Ministarstva saobraćaja Kantona Sarajevo, direktor JKP „Gras“, izvršni direktor za tramvajski saobraćaj JKP „Gras“ i predstavnik Kantonalne inspekcije.



		<p style="text-align: center;"><b>ZAKLJUČAK II</b></p> <p>Na narednu 5. sjednicu Komisije za sigurnost, uz poziv za sjednicu dostaviti Sporazum o saradnji Općine Ilidža i Policijske uprave Ilidža iz 2014.godine kako bi Komisija ovaj Sporazum razmatrala kao tačku dnevnog reda i eventualno sugerisala određene izmjene i dopune istog.</p>
<p>24.10.2018. Zajednički sastanak</p>	<p>1. Rješavanje bezbjednosti putnika na kružnom toku na Ilidži usljed zaustavljanja tramvaja</p>	<p>1.</p> <p>Učešće u raspravi na sastanku su uzeli svi prisutni: Članovi Komisije za sigurnost: Amel Pintol – predsjednik Komisije, Muhamed Omerović, Miro Grbavac, Enes Čorbo, Redžo Lemezani – članovi Komisije;</p> <p>Predstavnici Pete Policijske uprave Ilidža: Mustafa Bešić – načelnik, Muhamed Šarić – zamjenik komandira, Marko Komšić – pomoćnik komandira;</p> <p>Predstavnici KJKP “Gras”: Avdo Vatrić – generalni direktor, Almir Ahmetspahić – izvršni direktor za tramvajski i trolejbuski saobraćaj, Idriz Kasapović – šef Službe saobraćaja;</p> <p>Predstavnik Kantonalne uprave za inspeksijske poslove: Velid Mustafić – glavni inspektor;</p> <p>Predstavnik Ministarstva saobraćaja Kantona Sarajevo: Muamer Kukan – pomoćnik ministra za saobraćaj</p> <p>kao i Azreta Grebović – sekretar Općinskog vijeća, Mirsad Čaušević – pomoćnik općinskog načelnika Službe</p>



za razvoj, komunalne poslove i puteve, Meho Detlić – stručni saradnik u Službi za razvoj, komunalne poslove i puteve. Nakon diskusije na ovom sastanku donesen je sljedeći:

### ZAKLJUČAK

1.Zadužuje se Uprava KJKP "Gras" da izradi operativni plan aktivnosti vezano za probleme zaustavljanja velikog broja tramvaja i otvaranja vrata putnicima u kružnom toku na Ilidži.

2.Peta Policijska uprava Ilidža će izvršiti detaljnu analizu komplet saobraćaja na lokalitetu kružnog toka i u saradnji sa KJKP "Gras" će poduzimati zajedničke aktivnosti kojima će se povećati bezbjednost putnika i svih učesnika u saobraćaju na ovom lokalitetu.

3.Zahtjeva se od Direkcije za ceste Kantona Sarajevo u čijoj nadležnosti su saobraćajnice na lokalitetu kružnog toka da izvrše obilježavanje pješačkih prelaza, postave zaštitne ivičnjake i sl. kako bi se poboljšala bezbjednost građana.

4.Zadužuje se Komisija Općinskog vijeća za sigurnost i Služba za razvoj, komunalne poslove i puteve da u saradnji sa Petom policijskom upravom i KJKP "Gras" u narednom period organizuju i provedu medijsku edukativnu kampanju koja će imati za cilj povećanje bezbjednosti u saobraćaju na kružnom toku na Ilidži.

Rad Komisije za sigurnost Općinskog vijeća Ilidža u izvještajnom periodu je obilježen velikim stepenom koordinacije rukovodstva i predstavnika službi Općine Ilidža i Pete policijske uprave Ilidža. Peta policijska uprava je redovno Komisiji za sigurnost dostavljala Informacije Pete policijske uprave – Odjeljenje kriminalističke policije Ilidža o stanju sigurnosti iz oblasti kriminaliteta, javnog reda i mira, saobraćaja i drugo i o saobraćaju u mirovanju sa prijedlogom mjera na području ove PU.



Članovi Komisije su u radu uzeli aktivno učešće te iznosili svoje stavove, prijedloge i mišljenja o istom. Komisija općinskog vijeća je davala kontinuiranu podršku u radu Pete policijske uprave – Policijske stanice Ilidža i aktivnosti koje provodi u cilju bezbjednosti svih građana Općine Ilidža.

Zbog problematike bezbjednosti putnika na kružnom toku na terminalu Ilidža, a koji se dešava usljed zaustavljanja tramvaja i otvaranja vrata putnicima čime je prije svega ugrožena bezbjednost građana na ovom lokalitetu, a koji su vijećnici kroz vijećnička pitanja i inicijative u više navrata na sjednicama Općinskog vijeća pominjali, održan je zajednički sastanak dana 24.10.2018.godine na kojem su prisustvovali članovi Komisije za sigurnost, predstavnici Pete PU Ilidža, predstavnici KJKP "Gras", predstavnik Kantonalne uprave za inspeksijske poslove, predstavnik Ministarstva saobraćaja Kantona Sarajevo, kao i predstavnici službi Općine Ilidža. Održavanje ovog sastanka rezultiralo je rješavanje ovog saobraćajnog problema na terminalu Ilidža.

Tokom rada Komisije došlo je do personalne promjene u članstvu Komisije i to da je za načelnika Pete policijske uprave Ilidža izabran Mustafa Bešić. On je aktom Pete policijske uprave Ilidža (br. 02/12-49-2421/18 d 28.06.2018.god.), a navedeni akt je dostavljen na znanje članovima Komisije za sigurnost, kao i svim vijećnicima u materijalu 17. Redovne sjednice Općinskog vijeća koja je održana dana 26.07.2018.godine, dostavio obrazloženje da on na osnovu svog položaja u upravi policije MUP-a Kantona Sarajevo ne može formalno – pravno biti član nekog tijela Općinskog vijeća, konkretno u ovom slučaju član ove Komisije, ali da će se kao načelnik policijske uprave ili lice koje on ovlasti, odazvati pozivu za učešće u rješavanju pojedinih pitanja koja su u nadležnosti ove Komisije, a utvrđene su odlukom Općinskog vijeća o obrazovanju Komisije za sigurnost, kao privremenog radnog tijela ("Službene novine Kantona Sarajevo", br.44/17).

Na osnovu pregleda održanih sjednica ove Komisije može se u potpunosti konstatovati da je ova Komisija u svom radu i aktivnostima opravdala svoje postojanje bez obzira na činjenicu što je privremeno radno tijelo. Ovom prilikom treba istaći činjenicu da je Peta policijska uprava Ilidža redovnim dostavljanjem informacija ovoj Komisiji pružila podršku u njihovom radu kao i uzela aktivno učešće u rješavanju problematike iz nadležnosti ove Komisije. Na ovakav način operativnije i efiksnije ova Komisija je rješavala određene probleme građana Općine Ilidža iz oblasti sigurnosti i pokazala visok stepen u prepoznavanju tih problema.

Komisija za sigurnost predlaže da Općinsko vijeće vezano za ovaj Izvještaj donese sljedeći:

## **ZAKLJUČAK**

- 1. Općinsko vijeće Ilidža usvaja Izvještaj o radu Komisije za sigurnost za period decembar 2017. – decembar 2018.*
- 2. Komisija za sigurnost do kraja mandatnog perioda Vijeća 2016. – 2020.godine treba biti stalno radno tijelo Općinskog vijeća.*
- 3. Odlukom o obrazovanju Komisije za sigurnost kao stalnog radnog tijela Vijeća potrebno je na drugačiji način regulisati članstvo u ovoj komisiji načelnika Pete policijske uprave Ilidža shodno dostavljenom Općinskom vijeću akta Pete policijske uprave (br. 02/12-49-2421/18 od 28.06.2018.godine).*

**PREDSJEDNIK KOMISIJE**  
**Amel Pintol,s.r.**





---

Butmirska cesta br. 12. Sarajevo, BiH, tel/fax. +387 33 775-732 i 775-731,  
centrala 775-600, [www.opcinailidza.ba](http://www.opcinailidza.ba), E-mail: [opcinsko.vijece@opcinailidza.ba](mailto:opcinsko.vijece@opcinailidza.ba)

